

誠

齋

集

誠齋集一百
三十三卷

四部叢刊集部

上海涵芬樓借江陰
繆氏菽風堂藏景宗
寫本景印原書葉心
高營造尺六寸八分
寬五寸

天呂誠而覆地以誠
而載月月以誠而久
照江河呂誠而晝夜
混混不息誠之一字
非聖人疇克盡此文

節楊公曰誠名齋
要亦自明而誠者有
為皆以是也人皆知
先生之孤標勁節可
以薄秋霜可以沮金

石而始終不撓不知
始終之所自不撓
先生之誠也人皆知
先生之文如甕繭繰
絲璀璨奪目取而不

竭不知文以氣為主
充浩然之氣見諸文
而老益壯者
先生之誠也負天下
之望如

誠齋真所謂一代不
數人而復有

東山為之子是子是
父前後一轍非家學
曰誠其能是乎

東山先生曩帥東廣

煒叔

貳令南海辱寘門

墻益深敬慕迺今假

守通德之鄉

誠齋文集獨闕未傳言

先生之道義
呂倡儒

學表

先生之志節
呂激士

習發

先生之詞藻
呂振文

氣冒茲承之政孰先生
東山首從所請且獲
手為是正以卷計一
百三十有二片字計
八十萬七千一百有八

侵木於端平初元六月一日畢工於次年

乙未六月之既望

煒叔

累被

朝肯搜訪遺書遂獲

羣書之未備者悉
上送官藏之書府云

端平二年月 日

劉焯叔序

誠齋集卷第一

廬陵楊萬里廷秀

詩

江湖集

壬午初秋贈寫真陳生

居士一丘嶽深衣折角巾誰曾令子見忽漫寫吾
真更不游方外於何頗若人呼兒一笑看下筆可
能親

和蕭判官東夫韻寄之

湘江曉月照離裾目送車塵至欲脯歸路新詩合

千首幾時乘興更三吾眼邊俗物只添睡別後故

人何似臞尚策屐沙追歷塊未甘直作水中鳧

唐亭岵臺永人謂之三吾

唐亭岵臺永人謂之三吾

木犀二絕句

只道秋花艷未強此花儘更有商量東風染得千紅紫曾有西風半點香

輕薄西風未辨霜夜揉黃雪作秋光吹殘六出猶餘四匹似天花更著香

考試湖南漕司南歸值雨

我亦知吾生有涯長將病骨抵風沙天寒短日仍

為客酒煖長亭未是家又苦征夫催去去更甘飛
兩故斜斜舊聞行路令人老便恐霜毛一半加

題湘中館

清境故應好新寒殊不勝征衣愁著盡
能亂眼船離岸關心山見稜箇中有句在下語更
誰曾

江欲浮秋去山能渡水來
嫩隔蠻語雜歎乃楚聲
哀寒早當緣閨詩成未費才
愁邊正無奈歡伯一
相聞

送施少才赴試南宮

名淵黠蜀人
子取魁漕試

我豈登名晚今仍作吏卑文能追古作子未要人
知取第真成漫言良獨竒新知誰不樂所要白
頭期

十日九奔命同行半倦游出城愁不早思子悔何
由脚底已衝嶽眼中猶橘洲似嫌踈過子吾過更
誰尤

野菊

未與騷人當糗糧况隨流俗作重陽政緣在野有
幽也肯為無人減妙香已晚相逢半山碧便忙也
折一枝黃花應冷笑東籬族猶向陶翁覓寵光